

臣王允謙敬編

臣屠潤
論著恭校

乾隆二十五年庚辰春正月戊申諭來歲恭逢 聖母皇太后七旬萬壽今年爲朕五十誕辰仰荷 上蒼福佑四隣大武告成本年八月著舉行恩科鄉試來歲三月舉行會試○以西師凱旋再免甘肅來年額賦○命撥甘肅鞏昌等四府州倉穀十餘萬石於附近災屬備賑○庚戌命烏魯木齊屯田○癸丑增給京師五城煮賑各廠米石○乙卯霍罕額爾德尼伯克等遣使人覲○丙辰巴達克山素勒坦沙等遣使入覲○定邊將軍兆惠等函送逆回霍集占首級前俘會捫多索丕等至京○丁巳 上御午門樓行獻俘禮命霍集占首級懸示通衢有捫多索丕等罪○己未布魯

特阿濟比遣使入覲。庚申諭據周人驥奏各省流寓民人入川者甚多請設法限制等因一摺。此所謂知其一不知其二也。國家承平日久生齒繁庶小民自重本籍生計難以自資不得不就他處營生餬口此乃情理之常豈有自舍其鄉里出廬而樂爲遠徙者。地方官本無庸強爲限制若其中遇有生事爲匪之人則在隨時嚴行查禁不得以一二敗類潛蹤遂爾因噎廢食今日戶口日增而各省田土不過如此不能增益正宜思所以流通以養無藉貧民卽如見在古北口外內地民人前往耕種者不下數十萬戶此孰非去其故土者然口外種地者衣食漸多饒裕固難執一而論也。西陲平戩疆宇式廓闢展烏魯木齊等處在在屯田而客民之力作貿易於彼者日漸加增將來地利愈開各省之人將不招自集其於惠養生民甚爲有益若如周人驥所奏有司設法禁止

不但有拂人性且恐轉滋事端否則徒爲增設科條而日久又成故事封疆大吏當通達大體順民情所便安隨宜體察儻有流爲盜賊如川省囑匪之類則實力懲治毋使養奸貽累既不絕小民覓食之路又可清閭閻盜賊之源斯兩得之著將此傳諭湖廣江西四川各督撫令其妥協辦理○壬戌命在京安插回人另編佐領○庚午傅靖以不職革職以顧濟美爲雲南布政使調永泰爲四川按察使以索琳爲山西按察使

由歸綏道遷

○辛未參贊大臣舒

赫德等奏據薩納珠卡座送到土伯特使人達什佳木撮等十人稱係拉達克汗所遣齎書呈送臣會同大臣官員等傳見達什佳木撮云我係管轄右界五千戶頭目聞大兵平定回部特奉書稱賀請通貿易以番段回帶爲贊臣等宣慰筵宴訖授以復拉達克汗書及蟒錦段匹並分賞來使段布令其起程再查見在回部安

靜其布魯特霍罕安集延瑪爾噶斯等貿易之人絡繹不絕臣等
照舊例收稅數次後回城伯克等懇告云舊例收稅稍重彼時牲
隻價賤尙不甚累今逆酋擾害之後葉爾羌喀什噶爾羊一隻價
至十餘兩肥馬一匹價至五六十兩商賈未免觀望不前祈暫減
收俱係實在情形請將回人買來牲隻暫改爲二十分取一外來
商人性隻暫改爲三十分取一其餘皮張段布仍照舊例收納報
聞○乙亥諭御史吉夢熊奏經筵事宜一摺所言是非參半其中
有應行採擇者有事不必行且已屢經降旨飭禁者如講官係朕
簡用大員經筵講章本應自行撰擬期副獻納論思之義乃故事
相沿竟有由翰林院循例屬藁者朕於講官呈本時尙爲研討折
衷著爲經書二論務在自抒心得而侍案敷陳者願以成言諷省
聊爲塞責可平該御史所奏實爲近理嗣後將此明著爲令至嗣

二十二史通鑑綱目諸書內有關治道者應俱令其進講一條此則可以不必帝王宥密覃心緝熙典學豈專恃此每歲春秋兩舉之文特以典禮崇重必與廷臣面詢稽古乃足懲昭鑒學觀實至重夫經書蘊蘊畢顯天德王道之大端實爲兼資初無待旁及史鑑以浩博相誇且朕幾餘披覽於古今治亂得失之故研則往復見在自頒發正史之外於通鑑一書特敕儒臣分條修輯彙冊陸續進呈朕精研訂正凡中有所見必親加評務隲期理明事嚴以成善本若僅於進講時敷衍一二則以爲甄綜史事無論挂一漏萬徒爲具文正昔人所譏一部全史從何處說起者也又稱講軍在於簡約不必以駢麗爲工云云此則向來久經訓飭之事卽如殿試策內士子多用頌語朕以其無關實政尙令一切屏除況講筵自有體裁何取冗詞長語以富麗爲工前諭諄諄講官當所素

悉商後當有則改之無則加勉以光鉅典是用別白宣示俾中外共知之

二月丙子朔賜霍罕額爾德尼伯克敕諭曰爾遠處邊陲聞大兵平定回城逆賊逃竄信息卽募化歸誠請擒賊自效遣使入覲深可嘉尙來使等俱安善至京朕加恩召見頻申宴賞賜爾段匹器什若干爾其祇受又賞來使及從人服飾器用銀兩有差覽爾奏內有未盡之詞俾使人面陳等語今來使等並無所請朕故未有何諭但爾部落素被準噶爾侵擾今旣爲朕臣僕自必加恩撫恤爾其約束所屬永享無疆之福護送爾使之車駝木車設等仍有爾傳諭旨爾其知悉烏巴達克山素勒坦沙喇雅曰爾遠處邊陲誠心向化擒賊獻書集占布特瑪敦基恩賞願以金瑪爲朕臣僕又遣額穆爾伯克巴圖爾伯克入覲恭順之忱深可嘉尙今

來使等俱安善至京朕加恩召頻申宴餐以爾擒賊有勞特賜蟒段文綺衣服器什若干爾其祇受並賞來使及從人等服飾器用銀兩有差從前準噶爾侵擾爾等部落今既爲朕臣僕自必加恩撫恤其循爾舊俗以安生理約束所部永享無疆之福至來使奏稱爾部落人等恐以霍集占之故致啟釁鄰封等語霍集占負恩悖逆遠邇咸知況已就擒戮諒鄰部亦未敢妄動爾向來若與鄰封有隙當自行辦理或果因霍集占啟釁可呈報駐紮葉爾羌大臣俟查奏辦理護送爾使之明仁等仍有面傳諭旨爾其知悉賜布魯特阿濟比博羅爾沙呼沙獸特齊哩克卓爾瑪特等敕諭曰爾遠處邊陲聞大兵平定回部巴達克山呈獻逆賊屍首卽慕化歸誠遣使入覲深可嘉尚今來使安善至京朕加恩召見頻申宴餐賜爾段匹器什若干爾其祇受又賞來使及從人等服飾器

用銀兩有差爾部落素被準噶爾侵擾今既爲朕臣僕自必加恩撫恤爾其約束所部永享無疆之福再代爾入覲之使人諸凡妥協當加以愛惜爾其知之○命水師官員迴避本省丁丑諭御史朱不烈參奏覆勘試卷大臣秦蕙田等徇庇不公一摺經朕詳悉面諭並特派大臣等會同軍機大臣提取各原卷逐一詳加覈對今據覆奏有該御史原經錢出而覆勘大臣誤行指駁者江西省汪其度一卷未經列入奏單者湖北省陶大朋廣西省蕭鼎揆二卷秦蕙田等既經司事覆勘乃未將原勘官籤出各條應存應駁及應行聲明之處悉心分別查辦咎本難辭至摺內所稱瞻徇考官鄉情世好爲本生巧爲開脫之處則見在細覈各卷如考官錢維城王鳴盛錢載等勘過試卷內其處分已有部議應行降調及罰俸數年者卽增入摺內所指各條亦並無所加損是該御史

所參俱無確據朕復召入面詢該御史亦不能更指其非此其涇渭較然固非此次派出大臣所能稍爲偏袒前調停中立如和事老人之爲也但磨勘一事向來視爲具文以致舉子應試考官衡文無由大彰懲勸以至士子習尚紛歧罔識行文正鵠不得不亟爲釐正是以詳定磨勘條例然舉行伊始朕本意實不過欲去其太甚俾知警覺提撕豈必逐字逐句加意吹求致獲雋者無一自全而典試者盡干吏議斯亦已太甚乎然考官銜命掄才旣優其廩餼路貲又復獲爾許桃李卽試卷有疵若罰俸停升之類實所應得設致罷官降調朕必曲宥此中自有權衡若官官相護卽此罰一年兩載之俸亦必冀爲開脫則不獨覆勘者罪所難容卽考官等朕亦豈能寬貸今秦蕙田等旣無此等情弊則疏漏各條所謂公過非朕所深惡矣朱不烈以心疑或然之語彈劾屬虛朕亦

不能爲之匿其所短正所謂瑕瑜各不相掩者也況直省硃墨卷
汗牛充棟不但秦蕙田等三四人之力未必精覈無遺卽自謂悉
心推勘如朱丕烈所分止有數十卷設令再派大臣爲之檢校伊
能自信更無挂漏乎明季科道惡習專以黨援抨擊爲務遇事交
章傾軋而九列中又或各樹私人互相報復固由駕馭失宜所致
而臣工中各自便其門戶之私不惜害及朝章國是其所關於治
道者甚大朕心存炯戒乾綱獨攬務期朝宁肅清諸臣中諒不敢
稍生狎玩之見卽有此等伎倆亦何所復施今磨勘一事曉曉不
已然杜漸防微其端實不可長所有覆勘疏忽之秦蕙田觀保錢
汝誠著交部議處御史朱丕烈所奏不實亦著交部議處然若因
其參劾大臣而該部遂有意從嚴思以箝制言官之口更難逃朕
洞鑒將此通行傳諭中外知之○禮部議准山東按察使沈廷芳

奏 關帝原諡壯繆實與功德未符順治九年加忠義神武之號
名稱雖盛諡法未更今際五成大告式荷 神庥請加更正得旨
用神勇○辛巳命直隸留北倉米十萬石於河工備用○定軍流
人犯著赭衣○壬午 上御經筵○癸未 上啟鑾謁 東陵○
丙戌 上謁 昭西陵 孝陵 孝東陵 景陵至 孝賢皇后
陵奠酒回鑾○戊子諭回衆人等昨因烏什回人等訐告霍集斯
父子苦累部衆侵漁貢賦經辦事大臣等具奏朕以霍集斯輸誠
效力所有過失皆從前陋習若還行治罪心有不忍但仍令其暫
轄所屬則上下猜嫌必不能相安無事卽如準噶爾人等亦因聚
斂成讐上旣陵虐下亦憤恨互相侵噬以底滅亡可爲明鑒因將
霍集斯父子優其廩祿安插京師而各城頭目亦自知所懲創復
改舊習但恐愚頑無識之徒因此遂長刁風撫拾已往之事公行

告訐或伊什罕等圖得阿奇木之缺或所屬人等妄生事端挾制
管該大干法紀嗣後有似此者非但不行辦理仍究明情節重治
其罪斷不寬宥爾等如此惟期上下相安勤於生業勉爲良善永
享昇平尙其敬聽無忽○壬辰以溫福爲內閣學士由內閣侍讀學士遷○
癸巳 上還京師○丙申 上啟鑾謁 泰陵○己亥 上謁
泰陵回鑾○以兆惠富德爲御前大臣○辛丑增童生歲科試五
言排律詩○壬寅定邊將軍兆惠等振旅凱旋 上自黃新莊啟
鑾至良鄉郊勞○改葉爾羌等處臺站爲步遞○癸卯 上還京
師○甲辰賜哈密扎薩克郡王品級貝勒玉素布等冠服有差○
乙巳禁京城圍戶○命富德軍機處行走

三月丁未諭軍機大臣等阿桂奏稱伊犁河以南有地名海努克
與固勒扎相隔一日程途水土沃衍請於此處先行屯種相其形

勢分立村莊等語所辦甚是俱依議行果能實心奮勉次第辦理則屯田一事當錄伊經始之功也至村莊居住回人需兵防護非尋常屯田處所可比必固其堡寨勤其瞭望庶藏匿之瑪哈沁及哈薩克等不敢滋事至所奏起程以前派回人修理穆素爾嶺道路及將來安設臺站行知舒赫德酌辦等語從前準噶爾與回人往來俱由穆素爾嶺一路今既屯田回人自應時加修理其酌派回人及安設臺站俱傳諭舒赫德知之又諭安泰等奏屯田以漸開擴直通伊犁自烏嚕木齊至羅克倫擇水土饒裕之地立四村莊每莊屯兵八百餘名委遊擊一員都司一員分派雜職等督課耕種等語所見甚是可即勉力善爲經理至設立村莊尤宜防範盜賊亦爾經題所奏官兵四五千人間有疾病乞賞給醫士及藥材等語著傳諭吳達善於甘肅選良醫二名並各種藥材送至烏

噶木齊備用○以程巖爲內閣學士

由太常寺卿遷

○戊申御史朱嵇奏

殿試閱卷皆係統派大臣日久不無懈弛請敕內場監試例於閱卷日派王公大臣及科道官員監試至閱卷大臣擬定十名後請卽將十人帶領引見仍於次日傳臚得旨所奏確當如所請行○庚戌命一家三人內二人陣亡者加賜廕卹○賜哈薩克阿布勒巴木比特阿布賽阿布勒比斯哈巴木拜等敕諭曰去歲爾等哈薩克之人搶掠烏梁海我將軍大臣等卽欲興師問罪朕因爾阿布賽等歸誠已久須詢問確實續因爾等貿易之人告稱搶掠烏梁海係爾處之巴魯克巴圖魯則與爾等無涉但爾等受朕深恩若力能擒獻巴魯克巴圖魯見悞誠特遣侍衛納旺傳諭尙在途中爾等已遵從貢馬並求入覲或爾等知烏梁海被掠之事候懽祈請以昭恭順朕益鑒爾等誠意爾等但遵旨將搶掠烏梁海

等所獲查出送還卽巴魯巴克圖魯亦尙可加恩曲宥嗣後惟約
束所部以安生業至爾等所奏遵旨與布魯特和好而去年貿易
人等爲所槍奪等語但爾等外藩使人來京朕皆面諭以和輯鄰
部將來布魯特入覲必更加訓諭務守法安生不致互相戕害爾
等來使已命侍衛等護送來京至日自加恩賞今已降敕賜段各
四端爾等其祇受敬悉○禮部題和碩和嘉公主下嫁和碩額駙
福隆安其筵宴請照淑慎和碩公主及和敬固倫公主之例得旨
嗣後固倫主公主著筵宴二次和碩公主著筵宴一次並載入會典
著爲例○辛亥 上親耕藉田○癸丑 皇十四子永璐薨○乙
卯命散秩大臣柏成內閣學士世曾冊封朝鮮國王繼妃金氏○
己未諭載琿扎布奏稱原任台吉旺沁多爾濟告假前往遊牧諭
限不聞軍營轉奪伊母哈屯馬匹向東逃走派人趕回詢問據稱

自顧毫無生路因潛取馬匹欲赴京城等語前已將如何辦理之處行文理藩院旋准咨覆令將軍折衷辦理見在派員押解送京等語旺沁多爾濟原係獲罪留營效力之人乃乘告假踰限奪馬逃走拏獲後始以來京爲詞如不被人拏獲當不知其逃往何處也成衮扎布並不參奏惟將如何辦理之處行文理藩院殊屬非是又稱伊見有病請遣回游牧更爲錯謬除俟將旺沁多爾濟解送來京明白審訊治罪外成衮扎布著交部察議至理藩院堂官接據文移亦不據情參奏率行咨覆追成衮扎布奏請解京後朕面詢納延泰仍復枝梧巧辨更屬糊塗納延泰著革去理藩院尚書其所遺員缺著富德補授○壬戌諭朕詢問霍集斯以烏什回衆等告伊父子情事據奏稱因回人等與伊不合是以被控今懇請留京等語其意殊屬誠切著照所請厚爲資給安置京師但其

先世墳墓遠隔故鄉著加恩將伊幼子托克托索不遣回阿克蘇以供祭掃其烏什所有田產卽行變價在阿克蘇置業賞給托克托索不承管著舒赫德等遵照辦理仍傳諭該處回衆俾咸知朕意○諭逆賊霍集占等雖負恩肆惡自取誅戮至其先世君長一方尙無罪戾今回部全定喀什噶爾所有從前舊和卓木等墳墓可派人看守禁止樵採污穢其應行修葺分例並著官爲經理以昭國家矜恤之仁而外藩等亦共知所激勸著舒赫德新柱等卽遵諭行○甲子 上臨和碩和婉公主喪次賜奠○丙寅 上幸

皇八子永璇第○諭前因下五旗王公及遠派宗室等戴用結絨頂帽並有違行賞給太監哈哈珠子者是以 皇考曾經禁止今果親王二子俱未戴用和親王之子果親王之子俱係 皇考之孫莊親王至二十三貝勒之子亦俱係 皇祖之孫非別宗室